

潛
研
堂
詩
集

潛研堂詩集卷四

嘉定錢大昕

丙子春帖子詞

綵樹千花放僊萼五葉敷吉雲鋪似錦春蚤是 皇都
天街綠意蚤萋萋殿上鉤幡入賀齊幾日甘泉捷書報
春風先到玉關西

顯李西華給諫賞番圖六首

奇絕平生此度游長風駕浪送扁舟從來不信譚天衍
眞到婆娑第一洲

青螺澳外鳳山偏願賞諸番例久沿麻達暹郎襁負出

一時羅拜繡衣前

轅門初啟曙霞分
意氣軒軒屬使君
帳下健兒紛夾侍
試將蠻語問參軍

禾閒高下足官租
織就戈紋新樣殊
風俗依然是唐魏
不知身已度澎湖

翰軒別國足清接
蠻俗方言畧已諳
狀出南中閒艸木
咫聞端合傲嵇含

天南盡識相如節
海外爭傳玉局詩
重遣吳裝圖粉本
烏嵌城下賞番時

題吳冠山編修洗竹圖

無竹令人俗此語古有之但得青蔥峭蒨落吾手
擗用千戶封侯爲主人雅負子猷癖十笏小築谿南宅平泉
花木百不愛獨放叢筠數竿碧上番移種春方酣駢頭
戩戩多于蠶堅中茶中細分別凱之舊譜粗能諳亟攜
鴟鷂鉏自闢百弓徑蒙密一以除娟娟新綠淨疏篁瑟
瑟靜可聽輕風敲夏響不停著書風幔日卓午惟見萬
个攢空青燕郊庭際只消三兩竿便覺衫袂生清寒何
如家園千畝疏影合我欲從公親授洗竹泐

移寓珠曹街與禮堂夜話

殘氈斷帙舊柴車畫裏邨夫子不如僂指桑椹幾度宿

五年光景七移居

予以壬申六月至都寓繩匠街衙十
二月寓舛殿衙僧舍癸酉二月寓

潘家河沿九月寓椿樹衙乙亥二月寓
閻忠寺街六月寓橫街至是凡七移寓矣

積潦晴餘聚白沙新蒲雨後迸青芽荆高酒伴如相訪

白紙坊南第一家

刻燭論心水乳投廿年親串意綢繆前身兄弟機雲侶
仍占東西屋兩頭

圍爐燈火夜團圞丈室居然夏屋寬
兩家原當一家看

團焦小小類吳艘茶竈藤牀蠟屐雙
先算安排筆硯地
棗花陰裏讀書牕

顯裘漫士少宰苑東寓山圖

太天尺五苑東偏
休沐歸來步履便
員嶠蓬壺在人世
風光眞不數平泉

風前碗地萬垂楊
曲景橋通宛轉牆
不信軟紅香土裏
神僊仍占最清涼

樓外偏宜煙雨冥
西山窈窕入簾青
分明著色礬頭景
一幅天然好畫屏

趨臺西畔有新廬
履道坊南宅不如
公賜第在長安右門西
應爲

城居少花竹
天教銷夏此閉居

溫宜春夏澹宜秋
避暑方知此地幽
載得碧簫三伏酒

菱荷香裏蕩扁舟

斐几牙籤次第排清風朗月見公懷若爲評隲林居勝
應較秋屏閣裏佳

溫室從容造剡陳長源僊骨是前身金蓮燭外雙騶引
傲煞東都獨樂人

恭和

御製懷柔縣元韻

郊圻駐翠輿羽衛肅周廬初旭林梢出朝霞天半舒
紅螺峯繞髻白水溜通渠望幸諸童宴康衢定跋予

恭和

御製遙亭行宮對雨元韻

浙瀝遙亭雨空濛 行殿秋層峯疑半隱薄霧未全收

細溜松閒響飛泉樹杪流清塵應有意先爲灑山郵

疏疏還密密靜聽不知煩最喜連畦潤兼聞時鳥言天

當雨後爽節爲閏前暉明發 龍旂動先驅度塞門

四山飛瀑布一帶辨炊煙對景真悠爾披襟益曠然

宸章裁綠字 御墨灑瑤箋預卜明朝霽羲和曉振鞭

恭和

御製出古北口詠古元韻

雄哉留幹嶺設險有重關地控神京臂天連古塞山百

潛研堂詩集

卷四

四

尋攀磴上一綫劃崖閒鉤抱長城峻縈回九折艱唐家
乘障成漢使戴星還誰侶 皇圖遠清風鼓角閑

恭和

御製至避暑山莊卽事元韻

到處林亭宐入畫望來巖壑タケノコ他激泓水侶空明鏡
峭蒨山當翰墨筵滿眼禽魚皆至樂會心艸木有真緣
昇平中外承嘉讌好待溪秋 羽葆旋

恭和

御製熱河啟蹕之什元韻

秋郊新霽啟行時發軫倦莊歷廣遠山路平開紅樹裏

人家半在白雲涯，輕風迤邐隨龍旆。
曉日依依擁翠蕤，扶杖邨農頻額手停輿。
問俗每遲遲。

恭和

御製山店元韻

連邨結構總天成，半是山樵半是耕。
疏櫛千條遮酒幟，澹煙一抹露柴荆。
馬頭遠近青螺繞，木末參差候鴈征。
有象太平空入畫，豫游處處愜皇情。

恭和

御製都爾伯忒台吉伯什阿噶什來覲封爲親王詩以

紀事元韻

納款弟從兄承 恩襲組纓渾邪泥首服疏勒革心誠
湛露三巡洽分茅五等榮 聖朝懷遠畧陋彼涓橋盟

恭和

御製入崖口元韻

不用河江遠結陸塞山歲歲奉 鑾輿四圍列陣雲成
幕一綫嵌空石仵閭小隊呼鷹鞬脫蚤平岡試馬艸肥
初渠按諸部頻來覲翹首瞻雲恐後予

恭和

御製雨獵元韻

木蘭校獵何雄哉羽林萬騎如雲來批熊拉虎尋常目

況乃鹿友與雉媒 六飛乘秋一葢止長楊上林何足
擬亡覺雲頭冉冉迎有時雨腳垂垂起艸柔沙軟彌可
喜發蹤只如臂使指周官大獮典所詳 王道由來無
懈弛卽看一矢射天狼魚海洗兵兆應此

恭和

御製霜元韻

山迴寒偏蚤清霜亡降時白沙渾不辨紅葉最先暗
拂昏鴉翅平添疏柳絲含豪傳 睿藻遙向五雲披

恭和

御製行圍卽事元韻

森巖羽仗自天來，雨霽重嵐掃碧埃。控鶴三千神策士，飛龍十二上襄材。令懸旌旆和門合，陣布風雲大幕開。共識 聖人親講武，不煩司馬戒銜枚。

野闊天高九月秋，伊松河上塞風遒。玉鞭亾指祥煙拂，紫幄初開瑞靄浮。雲入望中皆瘡蕩，山當佳處暫停留。廣成欲進詞臣頌，詰屈空慚短韻搜。

彌山絡野勢分張，變化神機自 庶堂蕃部傾心膽。汰仗降王泥首懾天綱，握奇齊列龍蛇陣。懷德遙迎日月常，顯見玉關西奏捷。撓槍掃盡 國威揚。

恭和

御製蕃劍行元韻

清波淬鏑激寒塘流星迸采飛電芒細觀不類昆吾鑄
渠搜佗貢輸尚方天山之西雪嶺外重巖百折如羊腸
四衛拉特舊屯據夜郎自大矜豪強控弦十萬隨指曠
谷蝨左右紛成行就中有人最趨捷雄視吐渾兼燒當
橫磨霜劍新出水按鐔四顧非尋常傳聞風雨匣中吼
恍惚變怪難具詳分爭廿載彈指過電光石火寧久長
此劍豈有神護守不隨兵燹俱銷亾一朝持獻詣闕下
從官傳視趨紫閭由來神物歸有德什襲合備 天家
藏什襲合備 天家藏熊熊魂魂光氣騰未央

恭和

御製晚荷元韻

亭亭標格壓羣芳
秋晚猶開十里香
依約風前明月佩
參差鏡裏絳綃裳
僊肌自識能離垢
素節何妨獨傲霜
畫手崔吳應未識
溶溶祇傍玉波長

恭和

御製宴土爾扈特使臣元韻

重巖詰曲路極迂
行盡昆侖萬里賒
受吏願同烏弋國
承恩許賜綠雲茶
占風所至寧殊俗
懸度能通總一家
自是至誠無不屆
非關拓塞徧幽遐

恭和

御製雪元韻

亾淡亾淺雲圍幕空整空斜雪散絲始識僊居在人世
瑤田瓊樹只如斯

不愁落葉連山積還有絲花著色開雪後塞垣無隕景
天工畱待 聖人來

萬樹綴來珠的皦千峯疊就玉嬋娟此中疑到光明國
慧業重參清淨緣

恭和

御製允南省諸臣之請于明春恭奉

清江先生集 卷四
皇太后再舉時巡詩以紀事元韻

年年宵旰軫斯民載舉虞家典四巡長奉 慈顏娛太
始克繩 祖武繼高辛天低牛斗星遙接地入徐揚境
是鄰獻賦管時真忝竊重逢盛典感 恩頻

恭和

御製固爾扎席火用唐韓愈陸渾山火和皇甫湜韻并
效其體之化

玉關以外逾羌渾伊犁之水無盡源洪波齋淪自吐吞
上有祇林高以軒齋魚粥鼓香薪燔利竿百尺凌遙原
部婁輒敢矜厚坤問誰掀建來西堪瓦刺遺孽盜塞垣

彎弧鳴鏑窺花門張眼不識扶桑暎爰爰者兔啾啾爰
嘯聚蜂螳驅魚鼃腐鼠漫欲同游鷗耽耽虎視兼狼奔
一傳而後彌自尊鳩材爰構祇陀園苾芴優婆類實繇
偏袒膜拜喟誦喧法螺鈴鐸閒箴墳蠢爾詎解參風幡
失笑何異蝨處禪梵相姝詭露肘臂鳩茶藥义有挾轅
天魔鬼母弓垂韃人非人等牽朱轡唐門空爾颺風帟
神不顧響其脹臙前年王師戊巳屯日照昭兮昭戴盆
蕃落鞠脰陳酒樽彼狡豎罪何可言煽誘黃帽心覆翻
干上帝怒難平反祝融承命赧兩暖除惡務絕其本根
一花五葉紛兒孫若寇有綏履有跽合掌不知報佛恩

迅掃惡業還真元轟礮砰礚不可援懲汝助逆并案論
雷車虹靱燭九闍青紅像設無畱瘡天意襜爾貳負魂
膽裂魄慄心煩冤狝竄大宛難久存宵無廬帳朝無燧
烏合數輩豈世婚王師再舉出堅昆布陣雲立還山蹲
怪鳴那許飛騰蹇渠魁斯得士雪怨誓批狻猊屠鯨鯢
大書淡刻銘崑崙日月所燭警昧昏除殘不愁玉石焚
天人感召非虛煩迷替罔覺心爾捫

帳房四首

斜支布幕當團焦小幟風前各認標椽杙了了張鴈翅
奚囊一一卸牛腰破寒亾藝圍爐火趺坐眞成放帚寮

彷彿春江煙水闊
圍篷船泊短長宵

直將大地作蓬廬
野曠沙平展幔初
半面放開延月入
四圍密釘避風疏
道旁築舍成偏易
岸上牽船景畧如
家具比車還覺少
算嫌一日一移居

卷舒隨分占山坳
行處還從馬後捎
豁爾便疑林屋洞
呀然只類惠施匏
三竿日出俄成集
五鼓鐘敲各打包
身作社前飛燕子
偶然得木便營巢

與我周旋有幾春
團欒鐙火夜分親
都嘗風雨冰霜味
長伴東西南北人
上銳下豐伸腳穩
前軒後軒打頭頻
往來細把光陰數
鴻爪泥中幻亦真

御試賦得夏雲多奇峯

藹藹層雲合蒼蒼遠嶂重垂天纔一縷拔地忽千峯
作凌虛勢仍含出岫容卷舒排玉笏突兀簇芙蓉卓立
全開面光明欲盪宵懸崖疑似鷲觸石宛如龍萬壑空
中落三山海上逢 御園晴眺處歷歷翠微濃

送蔡葛山少司寇請養歸里

廿年稽古被殊榮清望西曹冠列卿海內文章韓吏部
昌黎田州部侍郎遷吏部故云閩中人物蔡端明由來勇退相僊骨况
是陳情出至誠歸到北堂萱葉蚤小春已見惠風生
起居八座古來稀樂地偏于名教空綵服回風依翻下

板輿置酒趁花時一行帶艸康成里六首陔蘭束哲詞
祖帳都門傳勝事如公眞不愧經師

蔡少司寇觀海圖

騶行譚九州奇詭不可稽海外環以大瀛海阿誰津逮
窮端倪先生卜居近海上三神咫尺堪攀躋讀書要窮
萬里目有令局促同測蠹太武峯高接縹緲五稟直上
青雲梯天風浩浩海水立光明世界堆玻璃怒濤砰磕
自奔湧有侶萬馬爭鳴嘶海若游戲劇狡僮撞鐘伐鼓
振鐸輩須臾一輪出鏡面樽桑隱隱枝柯低茲游奇絕
足千古下視河伯猶醯雞十年移家住人海蓬萊侍直

趨金閨文成懸河瀉萬丈導源星宿注百谿夢游時落
滄溟外忘機欲狎鷗與鷺鳩來一權賦歸去釣游舊跡
今不迷九十九山青滿髀椶鞋筇杖相扶攜壯觀重作
第二卷裴池珍重開黃緹

自珠巢街移居宣武門外顯壁

眞侶山僧慣打包桑椹三宿等閒拋勞如車軸無停轉
拙比林鳩未定巢市近米鹽喧百畔客疏塵土積堂坳
年來學得安心訣容剗三閒卽樂郊

金鐘越秋江擁櫂圖

兩三株樹風瑟瑟四五尺水秋淙淙天邊賓鴈落幾點

沙尾母鴨飛一雙煙波窈窕笠小影猗玕子款乃舊腔
菊花黃酒獨自酌醉著高枕烏篷窗

送座主海寧相公 予告歸里卽次畱別元韻

清望朝端孰比肩溫公事業潞公年丹霄地峻擎中極
黃閣班高領列僊北闕上章陳雅尙東門祖帳賜華筵
春颿安穩三千里看徧江鄉蔗芋田

近光常被日華臨黃髮番番在禁林應變守文真相畧
立誠主敬大儒心明農歸太畱姬舄泐酌歌來矢召音
手補衮衣無闕事太平元老合抽簪

三朝珥筆侍彤廷舊種槐陰已滿廳絳帳論文清侶水

朱轡開府福爲星卷舒自在春雲藹衾影無慚夜火熒
儒術致君從古少韋平家世有遺經

午橋水伴珮環鳴丞相安車取次行到處吟風還弄月
陪游張丈叟殷兄黃花晚節秋逾潔海鶴精神老益清
料得平泉閑撰杖肯忘曳履殿頭聲

秦華高峯大海瀾樂全那要九還丹千秋道脈承非易
一點靈臺畫亦難謝闕夏間頻晉秩詔加太子太傅賜閑未

許竟休官

特令不
必開缺

臨行鄭重

頒天藻袖有驪珠拜手

看

栽成桃李已經年得御龍門喜欲顛雪夜每參洛下座

菱谿常預醉翁筵清銜漫竊同冰冷學道無能媿火傳
遙望台星滄海上從游何日重殷然

海寧陳文勤公輓詩

赤烏三朝望蒼松百鍊姿獨能扶直道真不愧台司寂
寞還鄉夢淒涼墮淚碑它時言行錄應與富文垂

題盧紹弓編修檢書圖

書齋十笏清且佳丙丁甲乙牙籤排主人謝客門不闕
向友直與先民偕丹青鉛槧不吝手盡掃風葉無纖霾
自從二篆變隸楷豕虎轉寫多參差有宋以來雕板盛
南閩西蜀逾江淮咄哉俗生不自量叫噪埒井官私蛙

金柅鋤鑄私竄易坐使真本嚙沈埋以茲繆舛貽末學
猶以烏喙投積瘕日思誤書乃一適子才所見何其乖
先生博雅由天授上窺姚姒追皇媯百家七錄咸瀏覽
夜分雅誦然麻稽平生汲古得真諦屏除俗說刊淫哇
觀書如月靡不燭素然洞中竅會皆刊誤真笑李涪隴
正俗切與顏籀儕一甌僭鈔倘見許儼屋恰近春明街
送毛伊人檢討還萊州

同年五載又同官意緒纏綿有萬端忽聽驪駒初戒道
教人真數別離難

著書善病亦吾徒膠漆酸醎畧不殊寂寡西窗舊時燭

夏誰主客諧新圖

金薤遺文世少知從君一一剖然疑不知天柱山南望
可有樊陽第二碑

石刻何人辨糾紛唐公德政拓遺文如何靜治堂中錄
只說萊州于府君

孤瘦真如病鶴身掉頭歸太理漁綸頭銜仍領承明署
未是行吟澤畔人

石鼓

岐陽石鼓其數十至今遺碣畱橋門甲乙迄癸分左右
古色斑駁伴敦龐團團柱礎忽中斷纍纍覆釜當階蹲

磊塊面四佞杵裂彭亨腹果欲手捫鑄鑿歌詩垂不朽
三百字比干璵璠奎斗墮地苾爛爛蛟螭拏雲形蜿蜒
文斜時佗倒雄勢苦缺半露屋漏庖田車旣安宮車寫
右駢驪左旛旛小大具來樂天子吉日丙申蒐于原
麇鹿雉兔豎稱蜀其來趨趙咸毆奔禮成歸格禘嘗享
獻用太祝陳脈膳摛詞佶出吉甫手車攻常武齊肘距
況兼史籀筆蹤古天矯鸞鶴雲中騫蟲書禾穗汰始變
下視斯邈皆兒孫斤權毆丞強分別一笑辨口徒瀾翻
岫嶼禹篆跡茫昧好事摹拓猶紛緜銅盤殷銘壇山字
亞駝詛楚多謾言三代遺文漸漸滅欸忽過隄雲煙屯

巋然此鼓獨無恙四千年物能久存自雍移汴入燕市
歷恆沙劫如瞽昏金石集錄此最壽獨立誰與爲弟昆
成均位置特帖妥澗檐大廈繚以垣鐘鏞栒簾共陳列
永鎮竹素千秋園平生麥誦韓蘇句橫空奇語恣騰掀
佻歌媿乏懸河舌布鼓敢向雷門論

送禮堂學士典試福建

玉尺眞煩大匠持八閩迢遞使車馳目空已盡驪黃種
手植都成桃李枝朝望歐陽眞學士文壇孟縣是宗師
僊霞嶺上新秋路天遣畱題絕妙詞

奉 命典試山左出都述懷

容臺宣 詔出明光相馬真慚比九方濟上定多名下
士岱宗況是聖人鄉沙平冀北停行騎月落盧溝趁急
裘卻憶十年前此日蹇驢席帽大功坊

自良鄉南行遙望大房諸山口占

無心舒卷暮雲還百里諸峯鬪鬢鬢貪看大房濃翠色
涿州南去更無山

涿州二首

舊宅樓桑在祠宮闕古苔千秋比豐沛遺恨不重來
潞涿君誰是狂生語太譎西州求士日何意思芳蘭

卽目

蒼茫平皋路停鞭四望餘乾沙疑積雪古道半成渠秋
思聞蟬後人家剝棗初冷然風乍過殘暑已全除

白溝河

我行白溝河鱗鱗綺塍接遙見稷與黍有穗無一葉停
輿問田麥蹙額久乃苔飛蟲肥者來紛若蝟毛集葉傷
心已枯安能結寸粒之蟲夫何知蠕蠕仍戢戢風露恣
汝餐謀食胡太急中飽曾幾時撲滅行自及物性固如
斯令我增喟喟

過河閒城外居民有種棉花者

吾鄉木棉大于蠶每到秋收關比鄰今日河閒城外路

眼明如見故鄉人

贈梁秀才用梅

秋碧風流擅一時，謝家玉樹有孫枝。
門才共數烏衣巷，藝苑新傳白雪詞。
清似冰壺真見底，澹如春竹自多姿。
揆奇況具歐陽癖，響搥摩挲辨色絲。

梁秀才以秋碧堂帖見貽賦荅

泰山流落一豪芒，過眼雲煙詎易忘。
自到平泉畱秘本，人閒不數戲鴻堂。

東方朔

奏牘三千墨未乾，歲星幾載住長安。
一囊奉粟饑須忍。

怕他將軍食馬肝

匡衡

說詩妙處解人頤牢石同朝默不知但服儒衣稱醜藉
李微陳惠亦饒爲

答醫者

人淺生遼左補中功殊特一莖重五銖白金一鑑直良
醫憫我衰苦勸厲聲色家雖無贏石孰與身命亟假貸
猶足支何苦自遜膏服之勿遲遲後悔無終極再拜謝
醫言生外匪藥力上藥果活人誰游不外國維揚富家
翁儲羨富尊食用之或失宜大隗在頃刻胎間田家媪

百歲髮尙黑有病不求醫三椀眼未識

多病

多病方求道端居且避鷲無心調息訣不寐讀書宵舌
以柔難傲松因勁後凋南華養生主第一是逍遙

題張憶孃簪華圖

圖藏繡
谷蔣氏

裘履風流宛舊時綵雲化太杏難追何人解喚眞眞畫
有客爭頭好好詩

一枝春到鬢雲邊盡道呈花臉夏妍不遇才人洪玉父
千秋那得小名傳

珠喉一串案紅牙好事爭迎油壁車怪煞休文歌六憶

不曾相憶到簪花

春風繡谷列金釵細步纖纖引上階六十年來傳本事

青衫紅袖說蘇齋

我有青衫無隄淚與君紅袖一般多蔣樹存題句也

潛研堂詩集卷四

門人黃鍾校字

潛研堂詩集

卷四

六

潛研堂詩集卷五

嘉定錢大昕

回部蕩平大功告成恭紀一百韻

西極功成 聖武揚紫宸稱賀集冠裳黃圖遠闢堅昆
塞朱鷺重歌魚雅章日運萬幾逾業業星馳八陣總堂
堂神謀有濯高二捷盛事無前邁一匡纘序 兩朝欽
至孝宣威往歲定遐荒天山雪霽銷烽堠碑嶺霜寒試
劔鉞執馘虎臣齊矯矯射生騎士竝泐泐屯田已過伊
犁水乘障無煩都護防渭上呼韓初築邸殿頭頡利許
擎觴靈臺測景分昏日重譯占風共享王勃律陪臣瞻

日角洛那侍子觀 天聞傾心內向同葵藿汗血牽
徠盡驪驢大閱和門旗正正山莊曲宴露漼漼三階常
朗星從斗八表攸同綱在綱翮彼飛鵝猶會甚蠢茲黠
鼠漫跳梁花門襍種原無定大會分支杳莫詳俗尙高
車傳自魏派承回鶻行由唐兩會項領依蜚蜚窮塞么
糜轉蛄蜺俛首頻年隨籠絡推枕一旦脫銀鑰何期狼
子心終野俄見螳螂臂已攘伏莽頓施蜂蠆毒控弦欲
任鷲鳩搶六軍聲罪詞嚴正七萃逆行氣激昂分遣材
官傳羽箭還否典瑞下牙璋上襄齊騁金羈勒小隊爭
裁鐵柄檔初抵庫車申討伐羣看禁旅競騰驟摧枯屢

振稜威壯漏網翻令小醜颺改命師中謀上將爰搗靡
下度連岡鷹揚衛士材無敵燕頤元戎勇莫當傳檄諸
蕃背惛伏款關百部效趨蹌阿蘇郭外浮醜酪易什城
邊獻柝漿鄉導前驅按虎穴諸軍滾入歷羊腸奔麋踪
伏應無地瘳犬猙獰尙逞狂四面崇墉遙屹屹一麾徑
渡正茫茫流星隊隊鳴鶻急掣電聲激石強奪禦甫
徵人伉健揮鞭偶值馬元黃列營仍占層峯險築堡旋
當黑水傍懋侶岳家軍不動守如墨翟應無方連宵格
鬪空夸勁排日麋兵擊鼓鐘不數耿恭求井拜還勝道
濟唱籌量軍書絕域傳郵到 庶畧先幾握算良五校

剋桓已蚤發入旂健銳各分行蘆笳響遠吹邊月鐵甲
光寒踏曉霜兩月兼程經瀚海先春轉戰度河湟前茅
票旅紛超距後隊驕蹶亡脫輻入夜斫營風獵獵平明
合隊氣橫橫徒詢突髯徵吾壯隴種籠東晒彼愜其計
大勛侔破竹始知秘策比接囊休兵暫命三軍駐制勝
誰能一旅亢投石驍騰交習關飛芻絡繹每因糧裹餼
餉處頻盈橐抱布歸時恰滿箱畧地和闌揮短稍屯兵
玉隴奮長槍遙知山壓無完卵蚤見瓜分剩破瓢引瓶
鏡中方悚惕游魂釜底益倉惶驚弓漫訝飛鳶墮鉅險
俄傳駭鹿忙遠挈妻孥行不盡攜輜重走跟蹤名城

次第來降表伯克趨迎夾道勿日月無私歸所如雲霓
有象久相望酒漿戶戶盛樽正糗果家家載宮篚樂德
世間歌宛轉承恩翻使涕淋漓浪迭疏何幸霑 皇化撫
字重煩奠此疆令甲新頒人皞皞先庚申命澤溥溥丁
中黃小皆登籍黍稷梁椽競築場吉貝花解勝南粵蒲
荀子熟侶西涼青蚨改鑄司農式赤鋌仍輸少府倉遂
使窮荒分尉候長令編戶樂耕桑犁庭已見龍沙靖蹕
影難容獸迹迅捷比票姚征遼濮健踰充國定开羌衝
堅竝放千鈞弩剷逆爭持百鍊鋼突騎登山凌嶽泉神
槍臨淖震雷碾千夫賈勇螯弧舉萬眾呼降龍霧張鼉

兔投林空趯趯飛蛾赴火漫俚俚遐方延踵咸歸化蕃
部同仇共侮亾捧檄纔教擒契榆援戈親爲燄封狼三
驅有使前禽失壹發頻看大兕戕疏屬尸方械貳負專
車骨已折汪芒椿喉眞快人心憤懸首還將國法彰進
表稱臣趨魏闕訊囚獻馘到虞庠從茲遺種蠟芽蘖承
見新畬絕秀根露布明駝馳遠徵星躔候館應初陽握
樞乙夜垂衣肅送喜千官佩玉鏘師克在和嘉眾帥功
成惟斷仰吾皇天休滋至時難失祖烈丕承勳必
賊直拓提封周二萬獨棧大畧軼尋常園壇昭告瞻
顯若清席升禋倍肅將諷曰陵園陳豳旨分曹獄

鎮禮琮璜百神咸秩隆儀舉 三殿親臨鉅典煌 聖

澤普霑高以厚 慈寧齊祝壽而康南薰解愠仁風扇

北陸迎長淑氣翔異數酬庸增履秩近郊宣勞奏笙簧
析圭已荷盼茅土賜馬羣看簇繡瓊蒲海沙平明侶雪

于闐玉美白于肪洗兵欲輓銀河水度索應通濛汜鄉

鉅製伊西鏡壁嶂鴻文太學炳琳琅捧來薤葉芝花潤

拓取鋸鉤鐵畫裴允矣豐功垂宇宙咄哉浮議沸蜩蟻

一篇特啟羣言惑五載眞勞 睿畫長燕翼有謀貽

列聖至誠所感協 穹蒼乘乾惕惕惟無逸保泰孜孜

自不遑豫順行師功算尙謙尊下濟德瀾光宣鏡願諧

昇平曲拜手陳詞獻未央

已卯除夕

謬占金閨籍于今歲八除思親頻佇望報國愧迂疏
病久無良藥家貧少異書光陰敲石過太息負三餘

初春懷鄉榘詠

郭澤塘南顧浦西

水東日記范石湖爲李結記潘塘浦云浦有五曰新洋江曰小虞曰下張

曰顧浦塘有三曰郭澤曰七曰至和

吾宗四世卜幽棲肥田屋後秧針

細漲水門前蟹籩齊市小數家成一闌酒釀有戶偕偏
提官租輸了無宅事饋歲紛紛宮楹攜

土風瑣碎記邨氓故老相承例莫要侂子驅邪蒙紙面

銅童祀竈藝燈檠支門炭取長身立印砌灰偏巧樣呈
拜節家家總相識不須半刺更通名

人家大半住茅茨木几藤牀位置宜黃皺香檉裝定武
紅凝天燭插軍持春風游展徐公浦夜月神絃英布祠
吾鄉以英布爲土地神 傀儡登場纔過了盲兒遮算又彈詩

人日元宵興不孤小時了了記歡娛燒燈巧解藏頭謎
對局偷拈謁選圖潘安蹋歌宵按板陳孃貫酒午當墟
橋東巷北嬉游地二十年來夢故吾

題倪敬堂同年西谿揆梅圖

桃李漫山未足珍橫枝數點逗先春天然清瘦非凡格

比伯先生骨性真

橫空嫩蕊簇疏枝彷彿西谿入夢思
共羨繡花滿頭插
幾人賞到未開時

樸學君家世澤汎黃門介操憶當年七清妙墨依稀在
要與茲圖一例傳

恭和

御製三月朔日御殿定邊將軍兆惠副將軍富德等率
成功諸將士朝謁詩以紀之元韻

金殿晨開鵷鷺排六師大獻懋歌皆分茅列爵周二等
舞羽敷文舜兩階蕩蕩天門初日啟依依楊柳入春佳

行間將士羣羅拜共喻投膠 聖主懷

恭和

御製上巳日飢宴成功諸將士元韻

八首

青郊宣勞禮言旋王會新開西海壖五載豐功天祐

聖萬全成算 聖因天洗兵魚海龍沙外張樂流觴曲

水前嘉讌昇平當此日春臺何地不熙然

澹蕩韶光春事淡連茵曲宴集華林會萃鳴鹿來郊柳
在藻游魚戲水潯九奏鈞天人既醉八風妙舞樂難禁
手藥瑤尊斟初徧要識分甘 聖主心

玉闕新柳正垂垂壯士長驥入塞時犒賞百千沾闡澤

登咸三五慶昌期
鏡歌試譜伊涼曲
鼓吹新翻灼賚詩
繩武由來迨祖德
百年豐世念留貽

屈指師行暨凱旋
翰將幾歲荷除謁
握奇乙夜義軒
畧推轂三軍衛
霍權往矣冰霜酣
戰地來思花柳暮
春天回中伯克全
歸附葱嶺西偏執
訊連

瓊筵曉啟趁芳辰
飲至論功喪命申
五等析圭先燕領
千官獻壽近龍鱗
卻從蚌甲藥弓日
爲念披堅執銳身
感激一時齊額手
臨觴猶軫結纓人

生長行閒荷聖憐
從征親到雪山邊
眞逢采玉于闐
國快觀竿頭涿鹿
年拔幟名城誇趨
捷執爰絕徽盡精

堅卽今秋杜歌成口譜入南薰叶舜絃

纏頭別部向風歸羅拜華桐初日暉盡識軒轅通道遠
方知光武閉關非金人捧劍剛修楔玉塞韜弓遠集禩
大倉刀環爭入貢天戈從此已停揮

三日風光朗夏清禮成上壽聽呼聲勛名眞見圖麟閣
賞勞頻煩酌兕觥錫宴周京多受祉詰丘禹迹克方行
欲知討叛綏邊畧保泰 淵衷在不盈

恭和

御製塞宴四首

名馬數百皆龍媒牡者四驪牝者駉誰其騎者惟嬰孩

控之曾不施銜枚神鎗一聲殷若雷翻身上馬寧徘徊
風雨驟至急箭催砰礚振蕩何喧沓直下峻阪凌曲隈
四蹶飄瞥無纖埃二十里外往復回如響斯應彈指纔
就中卅六尤傑魁觀者咋舌驚且哈詭馬舊俗有是哉
至尊顧之歡顏開宣敷頒賞陳觥疊名藩小大紛具

來拜手敬進萬壽杯

右詭馬

天淨秋高張大幕頭鶯宴中什榜化蘆笳羌笛應節鳴
亦有箏琶襍弦索將進酒遠如期當筵自奏樂府詩

陛下之壽千萬歲東臣元菟西月氏前有緩聲後有促
拍瀰瀰入百太古音不減擬金與拊石敷勒企喻古所

傳曰狼慕德共勉旃況今之龜茲諸部盡內屬西涼散樂
更進破陣篇 右什棊

高秋曲宴紅羅鋪布庫之戲古所無壯士脫帽膽氣麤
先聲直欲吞於菟空卷搏躄兩兩俱騰踔掀振百變殊
角力以智分錙銖失勢一蹶愧弗如何人得雋酌以觚
整暇自謂可賈餘彼哉厄魯亦善鬪坦腹跣足不巾袖
老拳怒臂發以驟使氣氣出若饋餽強者植立弱者仆
伏而盪腦亟相就屈肩著地昂其脰有覩面目悔大繆
勝負既決斯放手曰四衛拉俗之舊吾 皇顧之樂且
康何以予之蒸黃羊天廚禁衛大噫他以手爲箸腹爲

囊鞠脆再拜頓地搶食指不動已十霜一飽何幸在
帝旁 天章頒示紀事詳昇平同樂誌不忘 右相撲

平原如掌水艸肥驅來駿馬各不羈滅陽弗方類自別
升甌上阪隨所爲誰與少年雄且傑短後之衣長竿掣
翻身禿馬疾于飛欲使生駒就銜繼雕鞍繡勒色樣殊
控繫未及跳擲俱有如負奇跣跣士倔強不受人間拘
飛揚跋扈驥且急有時稀突他人立乘閒直上跨其顛
持之以暇久方習八尺曰驥七尺駉追風躡景游八垓
乃知駕馭得其道上襄詎乏飛黃材維管周官訓馬政
佚特攻駒順月令卽今塞北多名善馬調來千里騁

至尊九月行獮田割鮮行賞排長筵度人閒試教馳
汰小雅兼陳攷牧篇況聞天馬徠西極大倉康居歸有
德不是 君王神武姿絕域安能服羈勒 右教馳

恭和

御製行圍元韻

平林呦鹿自牲牲六轡安行不動塵疊嶂環來成帝幕
周隄結處儼城圍材官共試批熊拔蕃部新攜回鶻人
咫尺 天威齊額手塞垣肆覲拜 恩頻

舍茨張羅各有司名王扈從遠如期天開靈囿規模壯
山入溪秋眺覽宜壹發共欣威遠振三驅仍示惠兼施

承平詰武遷終遠豐芑貽謀監在茲

恭和

御製哈薩克使至俾觀圍元韻

葱嶺西偏逐艸居獻駿久已隸方輿六師秣給歌瞻彼
萬里郵籤蚤啟予特赦陪臣從捺鉢重教獵土布周陔
漢家漫詔長楊賦蕃使來觀詎有諸

九日同習庵舍人叔華上舍晦之弟游城南登
陶然亭

不到城南五載餘軸簾眞侶蜀巖居登高偶趁重陽節
結侶同乘下澤車淺水牛汾經雨後遠峯螺黛勝春初

聽來吳語真多味，曾是當年共隊魚。

十笏閒亭曲徑旋，到來便覺避喧闐。
三秋鄉夢囊更後，一段詩情落木前。
廢廠尙傳宣德樣，古幢細認壽昌年。
卻輸扈從灤陽客，直上興安絕塞巔。

謂禮堂
光祿

送孫勛堂之官皖江

曲江簪取一花新，優縮銅符出牧民。
名士何妨工製錦，甘霖況是果隨輪。
底須諧自山陰授，會見名逾漢吏循。
說與孫廉兩字訣，它年惠化定如神。

荅施鐵如上舍見贈之作，用山谷東坡贈荅詩

韻

寸田不自耕坐成荆棘場活水來有源斯涵千頃光眾
卉亦蒼蔚所爨蘭蕙香幽谷本無言登之空巖廊彼美
淮東彥抗志追義黃詞壇趙幟拔道味伊俎嘗置身百
尺樓白雲翼其旁自立良獨貴勿爲遺俗傷

下里久詎百泠泠聞古聲郢中引商羽頌人歌榛苓三
歎竟此曲愧非鍾期生金斷本同心萍合乃異蒂相賞
自有真詎以形迹計昌黎有遺言雲龍願相侶

冬至齋宿題壁

僕被奚囊載滿車迎門呵殿吏人譁冷官公事常多暇
逢著齋期始到衙

煖炕騰騰石炭薰呼童拚掃去塵氛詞垣資格皆前輩

促剗相從話夜分

謂吳易堂朱石君秦湖泉三學士周石駟侍講

東廳槐樹老輪囷偃蹇離奇不我親太息誰能如汝壽

空庭閱盡去來人

待詔廳事前古槐一株蓋金元以前物

正月二日夜雪用東坡聚星堂韻

茶爐半槍始展葉夜窗手點浮綠雪開門密霰已滿庭
狂呼失喜冠纓絕軒轅忍寒肩輓簷柴桑習懶腰愁折
松枝插戶壓漸低鐙影搖空暗欲滅生涯碌碌風輪轉
歲月堂堂電光掣頻浮薊北柏子樽苦憶江南梅花纈
停雪遠道空滯留歸夢殘更付騷屑詰朝初旭雪半消

石言身 卷五 十一
侶有仍無只一瞥空中色相定何著文殊師利猶多說
傻須參訪不二門願我舌根鈍于鐵時有扈從五臺之命

恭和

御製恭奉 皇太后謁 泰陵因至五臺瞻禮卜吉起

程得詩八韻

孝治協人天重光 帝德宣上 陵崇漢典肆覲展虞
年演法參師利延 釐紀握先啟途張翠葆初日出黃
縣官路西郊直人家東佗優擊雲山疊疊迥露艸芊芊
已致登三治還尋不二緣承 恩諸父老額手屬車前

恭和

御製過蘆溝橋元韻

西陸朝覲將出冰 六龍夙駕官道平 鼓車記里未一
舍長橋翼然自管稱 渾河西北來厥性善遷徙 麗元所
記載曩跡半湮矣 上游多山下平行 所難不在首在尾
至尊指示周且詳 疏濬有方勿務誇 從今永永慶安
瀾 永定之名不虛百

恭和

御製良鄉行宮晚坐元韻

吉行五十首 駐蹕暮色自遠蒼然生 窅波孤塔湧香
界 懸顛兩峯抽筍萌 有滄雲興未成 雨艸木欣欣如有

情行齋清永供 宸賞景物到隄皆空明卷阿游歌詠
爲樂無非事者春省耕

恭和

御製見新耕者元韻

插梯初綠麥苗滋有事西疇及是時二月幽風入舉趾
分明粉本馬和之

新畬如罽足遐觀蹂踐頻間戒從官萑葉杏花農候蚤
一人春省萬人歡

焚香夾路拜 恩齊扶挈皤然與卯兮欲識太平真有
象煙中簔笠雨中犁

耕鑿堯民佗息均不須布穀巧催人臘前三百春初雨
好協維魚吉夢願

恭和

御製直隸總督方觀承奏報易州等處得雨元韻

陣雲如墨勢方酣滋液燕南又易南天遣兩師先灑道
人迎日馭望停驂丹邱不遠誠能格綠壤均霑樂
且湛欲擬載芟良耜領小臣橐筆祇懷慚

恭和

御製永慕齋墨舊佗韻

橋山咫尺構宸居帝曰精誠庶鑒予天緯依依通

旭卉 皇風皞皞繼羲遠永言弓劒心恆慕如見羹牆
境豈虛入暮廉纖將佗雨八神先路爲清除

恭和

御製謁 陵禮畢載啟西巡瞻彼臺山祝茲 介祉元

韻

麗農瑤室占高涼 親祝 純釐孝治彰五百僊人行
教地三千法界大慈光 金相啟處祥雲擁玉燭調時
化雨長天保九如天瑞協至誠昭格 聖心養

恭和

御製曉煙元韻

暮山含紫九秋凝春曉看來景最勝澹仙游絲飛不定
濃如蒸饅氣方升柳容新沐黃千縷麥氣微烘綠一勝
山市人家貪起蚤炊煙隱隱出高陵

恭和

御製日日元韻

吉行日五十羅拜盈馬前十年望 幸心何異望羊威馬
雨陽旣時若耕鑿皆安復 詔書免正供觀者杖屨駢
出佗入而息不知何以然二多祝我 皇庶符觀華年

恭和

御製曉行卽景元韻

曉雲鬢鬢未全晴
邨屋炊煙次第生
貌出山居農作景
人從摩詰畫中行

巖巒複沓路回斜
蘆荻初芽柳未花
陌上豚蹄春賽社
堪嗔持少願偏除

一帶嵐光繞遠坳
好山在望玉鞭停
恰從拂霧籠煙處
全露霏藍翁黛形

甘澤依旬候不遲
歲占大有粟何疑
伊祁山下倉箱滿
遙祝千斯與萬斯

恭和

御製曲逆故城元韻

遺封猶是壯哉城阿世難逃身後評但割膏腴肥諸呂
笑渠分肉擲能平

反閒徒誇沮范增第功畢竟遜陽陵美如冠玉中何有
變理陰陽或未能

恭和

御製頤懃適齋元韻

行旌小駐古渠濱猶是伊邠舊俗淳峭嶠山容眞入畫
霏微雨腳不沾塵唐河九折窗前見隄柳千絲檻外春
別有愜心嘉景在堯民擊壤望堯巡

恭和

御製復雨元韻

極望重巖又化霖春鳩喚雨杏花陰雲容縹緲低猶濕
樹色依微綠漸深古道衝泥添滑滑懸崖濺瀑尙淋淋
天膏卽是君膏澤誠意相孚在一欽

恭和

御製降旨免宣化府屬民欠詩以誌事元韻

體仁以長人義在易春秋有孚占元吉是惟益下優渥
易洎恆代玉輦首經由復除臆頒詔後樂常先憂
猶恐地僻左或致向隅不延訪咨大吏尺一下置郵災
黎所逋課調放無徵收二月春始和好鳥鳴粟畱山田

耕及時樂哉助以休龍門亘赤城養欲給所求耕三可
餘一勉旃足食謀

恭和

御製雪元韻

二月十九日

臘前瑞雪占三白春蚤甘霖慶九農
泐駕漸臨香界
近天花先灑翠微峯

筵筵六出點行旌茅屋依稀是雪坪
一望千山皆玉立
天工渲染若爲迎

藻思禪悟兩相期萬斛源泉千首詩
一片輕雲飛几案
金壺初試剡藤時

踏雪扶犁未少休，
邨叱犢尙鳴牟。
勢山駢石皆宜稼，
何論三施夏五猶。

恭和

御製停蹕元韻

暫止信人駕，
師紆陸楯勞。
濕雲迷靄靄，
對遠岫巖周遭。
一宿停清蹕，
千屯儼列曹。
幾餘吟趣洽，
斯咏復斯陶。

恭和

御製晴元韻

連朝兼雨雪，
此日喜新晴。
古道山腰轉，
前旌樹杪行。
平疇猶帶潤，
細艸已滋萌。
遙托周廬合，
紅雲拱幔城。

恭和

御製阜平道中作

積雪澹于一幅練鳴泉清入五絃琴人家半在山溪處
遙見炊煙出柳陰

一邨欲盡一邨連風景分明侶輞川父老呼兒課東他
無過鑿井與耕田

龍泉關外駐輕驂咫尺僊山路舊諳天外數峯明霽雪
清涼世界靜中參

派河上漾麴塵絲彷彿僊源異境移好是杏花菖葉候
春旂遙拂柳梢時

恭和

御製二箭山疊舊作元韻

豐碑御射舊會聞天錫 仁皇勇出羣飛鏃同時寶疊
嶂呼嵩萬歲動千軍霜濃白羽三成勁斧劈青巒一道
分今日 神孫重繼武王弧親試氣如雲

恭和

御製射虎川元韻

一綫雲關峻嶺前當年射虎尚名川唐弓親輓 神如
在夏諺來游事宛然 祖德懋貽以燕翼 皇心克紹
若稽田卽看接穴恢天網葱嶺西頭振旅闡

恭和

御製自長城嶺至臺懷再依 皇祖元韻

龍藏載五頂演法自曼殊眷屬一萬眾東來歷雲衢大
啟功德門示以清淨途各各生歡喜合掌寶號呼微聞
千花塔鈴語清于竽 時巡視 純嘏詎爲游觀娛長
城塊兮軌曲徑繚而紆清涼境不遠天開靈異區彷彿
常喜國室利之所都五朶青芙蓉可望不可圖神鐙夜
光見地菜汰雨濡天人跨後貌妙手徒形楫百千億化
身非有亦非無

恭和

御製殊像寺元韻

不二眞如相何曾泐報殊圓光融指月妙諦悟衣珠樓
鶴禪王窟乘猊道子圖天花迎羽葆咫尺卽雲衢

恭和

御製顯通寺卽事元韻

演法遙居七祖前金身入夢憶當年肇開震旦獅王窟
宛伯靈山鷲嶺天二度 巡臨祈 介祉十方供養拜
璫筵成麝彈指分今昨戒慧還須積寸田

恭和

御製羅漢坪元韻

妙相三十莊莊巖誰能過各生歡喜心受福詎不那何
人寫姝像永峙山之阿諸方護持者天龍摩睺羅佶聞
梵夾書名號各異科八百與五百沿襲多紛訛況此缺
其一聊足笑且呵本無我人相分別他甚麼

恭和

御製眞容院再題元韻

上方雪初霽寒意條已退止 輦禮花宮像設妙于續
三十二好相如月圓不晦是眞見文姝歡喜復遐憶百
牟尼珠圓八功德水漑聲聞辟支乘誰能企頂背

恭和

御製閱武元韻

展義臨三晉乘時習五戎山連恆嶽壯兵練代方雄赤
羽和門日朱旗列幕風九重親教閱不數被廬功

恭和

御製棲賢寺元韻

三峽匡廬勝幽棲畧侶之應真飛錫舊上足付衣誰枯
坐能離垢繙經且忍飢由來儒釋異親爲剖然疑

恭和

御製降旨免山西前歲民欠詩以誌事元韻

返釐禮中臺問俗溥宏惠正供減今年溫綸宣德意

載咨司農臣重楮格外例往者值偏災曰惟單闕歲民
欠權倚閣爲軫曉瘠地茲來全豁除十行 詔遐暨鴈
門功德峙汾水恩波逮祝 聖轉金經佛日四表被

恭和

御製游千佛洞得古體四十韻

宗門心卽佛立說簡而約云何有千佛誰解此理竅清
涼真佛國僊洞鑿崑嶠得毋五丁手抉幽力排昇沿谿
向右折十步九回拗始進若入窞漸滾未撤淖奇峯各
羅列如鶻或如鶴兩臂援攫拏一足夔跼踔遠望目已
胎下臨心夏媯洞口闐然豁神鐙夜光搖中有諸佛像

膜拜來四徼世尊說大乘迦葉示微笑藥叉魔波旬各
各護持效目健富樓侶大德修行劬不二啟法門文殊
提其要騎象誇狡狴用輿與轎一一具好相詎有脚
肥誚千佛本一佛心性人各抱三教理同源我皇竝
溪造春巡歷臺懷晴雲披絮帽四禪透宗旨掃除儒釋
關因過白雲寺遂指西峪厖甘露功德水滿月天人貌
精舍樸而古秘洞竊且窅直上試輕馳寧辭路回繞卻
登絕頂望積雪四山曜法螺鐘磬聲靜中間大樂叶山
田麥抽萌邨舍粟藏窖占豐察璇樞祝釐闡象教山靈
苔嵩呼洞府供宸眺宗鏡微乎微傳銓道可道谿光

皆空明谷音自清妙天工巧渲染著色非意料紺字列
如麻茲焉獨幽峭付戒馬駒踏離怖鴿王叫于茲托新
詩泠泠鈞天調造化運爐錘理蘊入燭照小臣叨載廣
下里望莖韶叶追趨豹尾後異境媿未到韻奇已迫窘
況欲窮禪奧

恭和

御製題陳規守城錄元韻

從容應敵竟全城一局殘碁話汴京大厦詎能支寸木
良醫未可恃黃精金湯無德難爲固輓輒非人何以行
天語煌煌垂定論先幾莫待事將成

恭和

御製題宋中興聖政艸元韻

和親何至以臣稱往事堪嘆宋紹興汴洛劫灰全不計
汪黃推轂已同登兩宮竟絕還歸望一策空矜魯動能
半壁偏安慚袖手長城自壞憤填膺漫言五馬南遷匹
幾見三軍北伐曾內禪得人差足慰詞臣歸美例相仍
爲尊者諱詞多曲允執其中愆必繩大矣 皇言褒貶
正千秋公論式欽承

恭和

御製經畬書屋卽事元韻

六經教士各專治四庫新編 聖王時甲乙丙丁統所
部校讐繕錄愼攸司哲王道在惟欽若諸子言淆必辨
之日理 萬幾還學古健行以造物爲師

恭和

御製游獅子園憶舊元韻

游賞卷阿昔日陪園居仍對碧峯開美牆見處皆思聖
心性渾然不改孩 慈孝一誠常默感因緣有觸記從
來世尊法會眞如脍餅水天雲絕點埃

恭和

御製鹿角椅元韻

潛研堂詩集

卷五

三

五紋岐出質猶全想見 仁皇射獵年
麋建虎交兵不
試倚名鹿角用長絲欲存大路椎輪儉詎關雕文刻鏤
妍手澤依稀 神鑒在 交孫繩武志殷然

雷王快鎮座主少宗伯介公有詩紀事次和

天教十日住鞭絲侶與谿山有夙期古寺半藏雲斷處
好花全放雨晴時三成官竒穿楊捷一隊征蹏踏雪遲
行帳追陪真是樂夜來頻醉百分卮

三月朔日疊前韻

日飲無何但學絲匆匆又過禁煙期折花紅杏滾邨裏
遶石清波激漚時山未知名看亦好客來不速話偏遲

同年小集今朝是遙憶芳醪倒屈卮

每月朔同年諸君例有小集

憶五臺山三疊前韻

清涼峯色翠如絲欲見文殊那有期靈境雲封全未識
鈍杙棒喝定何時但求達磨安心竟不礙豐子行脚遲
會得菩提本非樹可容無當也名卮

三月三日自曲陽入行唐境途中杏花盛開四

疊前韻

上巳煙光颺柳絲此行未負杏花期偶來冀北滾邨路
大侶江南細雨時每到絲枝鶯語密怕防落蕊馬蹏遲
鳴已若許隨身挂一朵眞空飲一卮

座主宗伯公折杏花一枝插行帳茶鐺中至晚
盛開有詩五疊前韻奉和

伴取爐煙細細絲拗花供養趁花期瓊帷四面畱香地
茶銚雙清吐蕊時著色還須崇嗣畫尋春眞笑牧之遲
一枝何幸隨桃李也到公門侑玉卮

奉酬宗伯公見贈六疊前韻

清如冰夏直如絲坐我春風一月期燕許文章推後輩
崔盧門第冠當時八持玉尺衡材富雙引金蓮歸院遲
獨愧散材同社櫟縱經雕刻不成卮

眞定府隆興寺七疊前韻

林立豐碑認色絲巍然傑閣俯崇期遺文猶識張公禮
姝像難描李伯時綺語多生消欲盡機鋒百偈轉空遲
醒醐具足清涼味未要花前白雪卮

游蓮花池八疊前韻

激泓十頃翻塵絲邂逅清游惟所期巖壑宛成千里勢
煙花況值暮春時游魚吹沫涵空樂浴鳥梳翎點水遲
一事尙畱餘憾在不曾池上舉三卮

懷鄉九疊前韻

春筍秋瓜夏藕絲齊民月令有程期客來但乞澆花法
僮約頻申曬藥時頗解著書師蔡癸也曾學圃問樊遲

大瓢五石原無用只合江湖作巨卮

寄顯雪浪石用東坡韻

彈渦空復說登州那侶雲根湧急流四面空嵌銜石骨
一拳凹凸激潮頭玲瓏明月懷中貯透瘦襄陽裏裏收
咫尺波濤來眼底渾疑朝暮見黃牛

送李蒞碗進士東歸

籍甚詞壇第一流御風曾未到瀛洲揮轡重指都亭路
又逐人間款段游

截鳧斷鶴兩兼難天許才名折美官半刺但題前進士
故應蚤達勝方干

我識鄭公元斌嬪人嫌李令太積唐雲門山色容高臥
大勝東華軟土叱

古柏參天鐵榦成風霜歷盡骨逾清縱然才大難爲用
偶露文章世已驚

蠶尾山薑例可循頭銜未辨領詞臣生天偶落它人後
終是拈椎得髓人

岱宗訪篆劉斯立歷下題詩李泰和揆俗十年多暇日
著書定較往時多

中秋後五日同錢坤一侍講王琴德舍人曹來
殷蔣漁邨二庶常過大悲延福宮

傑構出雲端三元舊戒壇延禧資母后董役出中官

明成

化中孝肅古壁丹青繪虛庭枯柏寒豐碑猶未圯剔蘇

皇太后建

幾回看殿外有成
化救諭碑

苦雨

翻盆伏雨接秋天避漏移牀夜少眠瘦柱壓敲支未穩
殘書徽漬曬無緣艸生屋頂多于薺車到街心泛若船
一事差強人意處久稀剝啄至門前

顯章慎旃舍人翠螺讀書圖

牛渚山頭月蛾眉亭上風謫僊已千載高興古今同鐘
響夕陽外書聲老屋中誰能識此樂毋乃逍遙公

顛汪對琴博士後譚菽園

識是詩人骨相寒瘦羊分得供朝餐偶然泥上畱鴻爪
便與人閒重此官

白雲明月悟前身諫果甘回味始真二百年來得同調
阿誰譚菽侶汪倫

過歸義廢寺

一泓古井兩株槐券尾比鄰署字皆輓幃模糊埋碧蘚
古幢剝落臥空階老僧持鉢身全病過客尋碑眼獨揩

聽話閒坊宣化事剎那興廢漫牽懷

寺有彌陀邑特建起院碑載咸雍元年

年賣地券云今賣自己在京宣化坊門裏面街西小巷子內空閒地內有井一眼槐樹兩株未有東鄰南鄰西

潛研堂詩集卷五

北鄰人姓名又載寺所藏畫像大小磬燈九壇輓燈四
壇云云又有石幢仆地其一面云會同九祀龍集敦牂
亦遠時物也

移寓

幾度柴車輾輾行喧囂爲避市人聲門開一面西山對
庭敞三弓夜月盈新燕呢喃邀作客古槐磊落事爲兄
玉虛道院南鄰近時有天風度碧笙

藤牀木几手揩摩洗足關門耐養病巷僻最宜生客少
家貧猶蓄古碑多先生自署支離安前輩曾顯安樂窩
陶晚間阮裴園沈欽伯諸前輩俱曾寓此 儼直從來須計月催租也侶吏催

科

盧端臣先生招飲卽席賦呈

八米詞林秀蒲江樂府傳才應雄大歷名骨後盈川俗
味酸鹹別家風禮讓先蒸壺招弟子啟冪各忻然

潛研堂詩集卷五

門人黃鐘校字

潛研堂詩集

卷五

七